

Hizbut Tahrir

Mengapa Ia Perlu Ditolak

Sejarah Awal

Hizbut Tahrir (Parti Pembebasan) merupakan sebuah parti politik antarabangsa berideologi Islam yang bergerak dalam dakwah dan politik. Pergerakan ini diasaskan oleh Syaikh Taqiyuddin Nabhani (1909-1979 M), kelahiran Ijzim, Haifa, Palestin. Beliau merupakan seorang tokoh dan merupakan alumni al-Azhar, Mesir.

Beliau juga pernah memegang jawatan sebagai guru dan hakim di Mahkamah Syariah di Palestin. Hizbut Tahrir menegaskan ia merupakan organisasi politik, bukan organisasi keroohanian, badan ilmiah, institusi pendidikan, dan bukan pula pertubuhan sosial.

Hizbut Tahrir mendakwa metodologi dakwah mereka adalah berdasarkan sirah Rasulullah SAW iaitu melalui tiga tahap berikut:

Tahap Pertama: Tahap Pembinaan dan Pengkaderan (Marhalah At-Tatsqif)
Dilaksanakan untuk membentuk kader-kader yang dipercayai pemikiran dan metod Hizbut Tahrir dalam kerangka tubuh parti.

Tahap Kedua: Berinteraksi dengan Umat (Marhalah Ta'afu Ma' Al-Ummah)
Dilaksanakan agar umat turut memikul kewajiban dakwah Islam hingga umat menjadikan Islam sebagai permasalahan utamanya, agar umat berjuang untuk mewujudkan Islam dalam realiti kehidupan.

Tahap Ketiga: Tahapan pengambil-alihan Kekuasaan (Marhalah Istila' Al-Hukm)
Dilaksanakan untuk menerapkan Islam secara menyeluruh dan mengembangkan risalah Islam ke seluruh dunia. Hizbut Tahrir berpendapat, dalam tahap ketiga mereka harus meminta bantuan ketua negara, panglima tentera, pimpinan jamah, ketua suku, dua besar atau seumpamanya.

Pemikiran Bahaya

Konsep pemikiran yang dibawa oleh Hizbut Tahrir sedikit sebanyak mempunyai persamaan dengan kumpulan داعش (singkatan bagi perkataan al-Dawla al-Islamiyya al-Iraq Wa al-Sham (Negara Islam Iraq dan Sham) atau dikenali juga dengan nama ISIS singkatan bagi perkataan Islamic State of Iraq and Syria (Negara Islam Iraq dan Syria).

Kumpulan yang disebutkan ini mendakwa tentang pentingnya mengagihkan khilafah. Namun dari sudut pelaksanaan mereka memiliki jalan dan cara yang berbeza dalam mengagihkan sistem negara khilafah mereka sendiri.

Antara yang dibimbangkan dalam mana-mana gerakan atau ajaran yang bertentangan dengan Ahli Sunnah Wal Jamaah adalah wujudnya kelompok yang ekstrim dalam memastikan gerakan mereka mencapai matlamat yang diinginkan.

Ini kerana berdasarkan kepada dakwaan Hizbut Tahrir bahawa metodologi dakwah mereka adalah berdasarkan sirah Rasulullah SAW.



Namun begitu jika didalami kembali sirah Rasulullah SAW maka kita akan dapati bahawa kemuncak kepada perjuangan Nabi adalah Jihad. Adakah jihad juga menjadi destinasi kemuncak kepada dakwah Hizbut Tahrir di Malaysia?

Keputusan Fatwa Selangor

Berdasarkan warta fatwa yang bertarikh 17 September 2015, Jawatankuasa Fatwa Negeri Selangor telah memutuskan bahawa:

1 Fahaman dan ajaran Hizbut Tahrir adalah bercanggah dan menyeliewang daripada ajaran Islam yang sebenar menurut pegangan Ahli Sunnah Wal Jama'ah kerana mengandungi elemen-elemen seperti yang berikut:

- a) Bahawa pemerintah, ahli parlimen dan para ulama Islam kesemuanya kafir serta harus dipering kerana menerima sistem kufur.
- b) Bahawa negara-negara Islam semuanya negara kafir kerana berhukum dengan sistem kufur dan haram menyertai sistem kerajaan sekarang;
- c) Menafikan istilah 'al-Qadha' wa al-Qadar';
- d) Berpegang kepada fahaman Qadariyah;
- e) Bahawa aqidah Siyasiyah lebih penting daripada aqidah ruhiyah;
- f) Menolak sumber aqidah melalui hadith Ahad kerana boleh membawa kesesatan berasaskan hadith Ahad itu dari zanni sedangkan aqidah itu keyakinan; atau
- g) Bahawa Nabi dan Rasul tidak maksud sebelum diangkat menjadi Nabi atau Rasul.

2 Mana-mana orang Islam sama ada secara individu atau berkelompok adalah dilarang dan diharamkan untuk berpegang dengan fahaman dan ajaran Hizbut Tahrir termasuklah :-

- a) Menjadi ahli kumpulan fahaman dan ajaran Hizbut Tahrir;
- b) Berada di dalam majlis, perayaan atau sambutan keriaan yang boleh dikaitkan dengan fahaman dan ajaran Hizbut Tahrir;
- c) Mengiytharkan diri sebagai ahli kumpulan Hizbut Tahrir melalui pengakuan bersumpah atau apa-apa kaedah lain;
- d) Berselindung di sebalik apa-apa aktiviti ekonomi, perniagaan, pendidikan, kesenian dan sebagainya melalui pertubuhan, persatuan atau syarikat, yang mempunyai unsur-unsur persamaan dengan fahaman dan ajaran Hizbut Tahrir;
- e) Melalui pertubuhan, persatuan atau syarikat yang cuba menghidupkan kembali fahaman dan ajaran Hizbut Tahrir sama ada melalui apa-apa rancangan, atau mana-mana pertubuhan atau persatuan yang mempunyai unsur-unsur persamaan dengan fahaman dan ajaran Hizbut Tahrir;
- f) Mengajar, menganjur, mengadakan, membantu menyanyikan apa-apa perayaan, sambutan keriaan atau majlis yang boleh dikaitkan dengan fahaman dan ajaran Hizbut Tahrir;
- g) Memiliki, menyimpan, mencetak, menjual atau mengedar filem, rakaman audio, risalah, buku, majalah atau apa-apa terbitan, risalah atau apa-apa dokumen, atau menggunakan sebarang bentuk lambang, rajah atau tanda-tanda yang boleh mengaitkan fahaman dan ajaran Hizbut Tahrir di mana-mana harta alai atau tak alai; atau
- h) Mengamalkan, menyebarkan dan mengembangkan fahaman dan ajaran Hizbut Tahrir di Negeri Selangor.

3 Mana-mana orang Islam yang telah berbalah atau mengalami fahaman dan ajaran Hizbut Tahrir adalah disifatkan bercanggah dengan ajaran Islam yang sebenar dan hendaklah segera bertaubat serta memohon keampunan kepada Allah S.W.T.

4 Apa-apa variasi, versi, bentuk atau cabang mana-mana ajaran, pegangan atau fahaman baru mempunyai persamaan dengan unsur-unsur fahaman dan ajaran Hizbut Tahrir adalah disifatkan dengan aqidah ajaran Islam yang sebenar.

5 Apa-apa jua bahan publisiti dan sebarang yang menonjolkan ajaran, pegangan atau fahaman mereka yang berpegang dengan fahaman dan ajaran Hizbut Tahrir atau apa-apa fahaman dan ajaran yang mempunyai persamaan dengannya dalam apa jua bentuk penerbitan dan cetakan atau siaran dalam mana-mana laman sesawang, blog, facebook, twitter atau media sosial lain adalah diharamkan.

6 Mana-mana orang Islam yang melakukan perkara-perkara di atas adalah melakukan suatu kesalahan dan boleh diambil tindakan di bawah undang-undang yang berkuat kuasa di Negeri Selangor.



Kesimpulan

Hizbut Tahrir merupakan sebuah kumpulan berideologi ekstrim dalam membawa pandangan serta pegangan mereka, sikap melampau kumpulan ini menyebabkan mereka mengemukakan kafir terhadap masyarakat Islam yang tidak menzahirkan mereka dengan alasan redha atau tunduk di bawah sistem kafir.

Umat Islam di Malaysia khususnya di Negeri Selangor perlu menjauhkan diri dari sebarang aktiviti yang mempunyai ciri-ciri yang telah disebutkan di atas serta menjauhkan diri dari segala bentuk ajaran dan fahaman yang meragukan.

Segera laporkan segala aktiviti yang meragukan kepada Pihak Berkuasa Agama bagi membolehkan penularan ajaran yang boleh merosakkan akidah, syariah serta akhlak umat Islam.